



Jumat, 29 Oktober 2021
Ogen: Jeremia 1:5



Tuhan Si Netapkenca



Kerina silit idoni enda, lit nge penyebabna, sumber nta pe uluna. Adi lau lit ulu, mata lau seh maka maler kujapa pe. Adina las ndai lit sumberna, matawari nta pe api. Simehuli nta pe lang lit nge uluna. Ibas kegeluhenta enda perlu kal kita nandai ija nari kin ulu (sumberna) kerinana subuk doni enda bagepe kerina kejadi-kejadi si lit.

Dibata eme ulu kegeluhen. Ia nepa ras njadikan kerina si lit idoni enda. Sope kita tubuh, ngidah ras ngaloken kegeluhen idoni enda enggo me kita itandaina. Ia me si njadikan kita ibas bertin nandeta janah Ia me si ngerancang geluhta idoni enda. Bagepe kata Dibata man Jeremia

- 'Kupilih kam ope denga Kubere man bandu kegeluhen' ertina Dibata mereken kegeluhen man banta jelas kal lit tujunNa ibas njadikan kita. Kuga kita ngaloi dengen ngidah pemilihan Dibata man banta, bagepe kita nggeluhen ras ncibalken dirinta idoni enda
- Ope denga tubuh enggo Kuserapken kam jadi nabi, amin langa siangka kuga geluhta denggo tapi ibas Dibata enggo lit catatenna, kai ras kuga masa depannta.

Bagepe kata Dibata man Jeremia, ibas Jeremia ngaloi pendilo Dibata. Enggo itetapkenNa, perlu kal kita meteh sura-sura Tuhan ibas kegeluhen enda. Alu ngangkai sura-sura ras rancanganNa, beluh ras ngasup kita jadi kalak si patuh, ngaloi pendiloNa, ngueken pemilihanNa. Kalak si metinggel ngenca meg i pendiloNa. Kalak si mediate ngenca ngueken pemilihanNa. Dingen kalak tutus ngenca setia ibas penetapenNa. Ibas sienda kerina, siangkai min sura-sura Dibata man banta gelah ibas si itetapkenNa man banta la kal kita pernah nogan ras papak. Tutus ateta ibas kai pe.